

ASEGURO MEDICO GENERAL UN BON IDEA A BIRA AVENTURA CU FINAL DESCONOCI

ORANJESTAD (AAN)--

E pensamiento di un Aseguro Medico General no ta algo cu a nace awor. Buscando raiz di e asegurado mester regresa te tempo cu ainda Aruba tabata forma parti di Antillas. E tempo tabata worde papia di un asegurado pa Pueblo. E problema tabata cu e asegurado aki lo mester tabata den man di Gobierno Central mientras Gobierno Insular tabata esun cu tabata carga e gastonan pa cuida medico. Mientras tempo a pasa diferente concepto a worde traha. Ora Aruba a bira pais situacion a cambia y cu un solo Gobierno por a cuminsa papia di concretizacion di plannan.

E asunto di un Aseguro Medico General tabata forma parti di un plan total cu a keda desaroya bao Gabinete Eman. Mester a revisa y yega na un cambio den un pensamiento basico.

Cuido di esnan cu menos recurso tabata demasiado someti na haciniento di politica. Esey a haci cu loke mester tabata derecho di ciudadanò a bira favor. A saca Onderstand for di e situacion aki y a introduci e posibilidad pa un ciudadano apela na un comision si e no ta di acuerdo cu e forma con su peticion pa Onderstand a worde trata.

E siguiente paso tabata di kita pago di interes ariba fianza pa estudio pa personanan cu cierto entrada.

Un revision di cuida medico y e problemanan di pensioen tambe a haya atencion. E pensamiento tabata cu mester a introduci un forma pa asegura cu tur hende por a haya cuida medico apropiado y tambe goza di un pensioen.

A keda demostra den practica tempo cu Aruba tabata tin Bestuurscollege cu politica tabata worde hunga cu asunto di carchi. Ademá tabata tin casonan di personanan cu pa nan condicion di salud of edad no por a haya un asegurado priva y no tabata califica pa carchi di dokter.

Mr. Mito Croes kende e tempo tabata Ministro di Cuido Social hunto cu e Director di Cuido Social Drs. Ringeling a cuminsa traha ariba un concepto pa amplia e cantidad di casonan den cual un hende por haya asistencia den caso di cuida med-

Idea tabata pa amplia asistencia dun a door di Gobierno

UN PENSAMIENTO A CAMBIA DI RUMBO

AZV: Aseguro Medico General. Palabranan bunita ta rondone pero tambe critica pisa. Meymey di tanto palabreria Pueblo a keda pega. DIARIO a bay tras di Aseguro Medico General: su inicio y pensamiento. Ta sali na cla cu e idea ta fabuloso pero te ainda ni Gobierno ni Staten mes sa kico e pakete lo encera finalmente. Cuanto lo e bay costa Pueblo tampoco por sali na cla. Mas papia cu hendenan cu sa di tur banda di Aseguro Medico General mas grandi e confusion ta bira. Pasobra e Aseguro Medico General ta un bon idea cu a bira un aventura cu final desconoci. Un relato exclusivo di DIARIO.

ico cerca Gobierno.

Tabata trata aki di personanan cu pa motibo di nan enfermedad no por a haya un asegurado priva pero si tabata tin gastonan halto na cuida medico. Tambe di personanan cu tabata forma parti di un plan medico cu no ta cubri nan completamente y asina ta haya nan mes den problema financiero.

A worde pensa pa introduci un sistema di tarifa cu e

personanan aki ta paga pa nan por haya asistencia medico gratis. E tarifican lo mester a depende di nan entrada. Di e forma mester a cuminsa amplia e base di patientnan cu ta haya asistencia di Gobierno.

Cu e ampliacion aki lo a elimina e problema pa esnan cu no tin financiamiento pa nan gastonan medico y lo a pone un base pa poco poco introduci un asegurado medico

general. Pasobra e sistema aki lo a genera datonan importante pa por introduci un asegurado medico general.

Na mes momento Gobierno anterior a acerca companianan di asegurado pa pidi nan somete informacionnan encuanto tecnicnan importante den mundo di asegurado pa bay prepara diferente alternativa cu por worde aplica pa un Aseguro Medico General. Gobierno kier a dispone di diferente concepto pa asina por a haci un escogencia entorno e forma mas apropiada pa introduci e asegurado general.

Tur e instancianan a declara nan mes dispuesto pa yuda. E oficina di accountant Croes & Croes a worde pidi pa traha un perspectiva financiero di e asegurado medico general.

A subi e caminda pa bay

elimina e problema di esnan cu actualmente no tin un financiamiento contra enfermedad y na mes momento prepara un asegurado general cu na final hunto cu un fondo general di pensioen mester a elimina e problemanan social perteniente na situacionnan.

A surgi cambio di Gobierno. E Gobierno nobo a opta pa sigui un otro caminda cu e Aseguro Medico General. Un solo concepto a worde poni den otro y manda pa diferente instancia. E concepto aki no a cay den bon tera y for di promer momento tabata tin critica pisa.

Un cambio importante tambe tabata e hecho cu tabata kier a introduci e Ley na forma apresura mientras cu por a tuma tempo y mientras trahando introduci un arreglo pa esnan cu no ta worde cubri pa gastonan di enfermedad.

E ansia aki a resulta e problema di mas grandi. Staten a duna Gobierno aprobacion pa introduci un cambio grandi den cuida medico: tur hende obligatoriamente mester bay asegura den e loke ta worde yama AZV: Aseguro Medico General.

Pero loke Staten a aproba no tin contenido berdadadero. Ningun hende sa na ki pakete ni ki gasto e asegurado lo conduci finalmente. Importante ta: ningun hende sa kende lo bay paga. Pasobra si Gobierno ta bisa cu e doño di trabao mester paga e Ley ta diferente.

E Aseguro Medico General a dal un vuelta grandi. Den e vuelta aki e ta perde den confusion.

SVB TA KEDA

ENCARGA CU DIANAN

DI ENFERMEDAD

ORANJESTAD (AAN): E administracion y pago di dianan di enfermedad ta keda na encargo di SVB.

A worde pensa cu ora AZV dreña na un momento cu e parti di trabao di SVB cu ta atende cu asegurado medico di trahadornan lo pasa completamente pa azv. Esei lo no ta berdadero.

Aparentemente e trahador lo mester bay AZV pa su gastonan medico y SVB pa control di su dianan di enfermedad.

Kico pakete lo contene y cuanto e ta costa no ta estableci

ASEGURO MEDICO GENERAL NO TIN CONTENIDO AINDA

ORANJESTAD (AAN): Loke ta conoci ta cu esnan asegura lo bay drumi derde klas. Pero kico e pakete ta contene exactamente y kico publico lo haya ofreci no ta conoci ainda. Tampoco cuanto e costo di e asegurado medico lo ta.

Si asuntonan, cu por worde considera marginal, ta conoci manera e duracion di contrato di mediconan, asuntonan importante mes ta desconoci.

E pakete exacto cu publico na final lo haya ofreci te ainda no ta conoci. Por bay depende di e costonan kico e pakete ta contene exactamente y concretamente. Pero ora bay puntra detayes, ainda

no ta yega ningun caminda.

Cuanto e lo bay costa tampoco ta conoci. Staten a aproba e Ley pero te awor ta papia di asuntonan sumamente marginal y hopi ta depende di desaroyonan.

Un pregunta cu ta keda pendiente ta, kende lo bay paga e tarifican. E Ley ta bisa cu esun cu ta segura mester paga. Gobierno ta bisa cu ta doñonan di trabao lo paga. Pero esaki no ta estableci den e Ley.

Encuanto e tarifa tin hopi complicacion pasobra ta existi un indice. Pero como cu e Ley lo bay worde introduci gradualmente y lo tuma tempo pa tur hende cay bao e

Ley no por bisa awor con concreto e cifranan lo ta ora e Ley realmente dreña na vigor.

En sumo mester bisa cu e loke Staten a aproba ta keda straño. Di un banda e ta específico den cierto asuntonan manera di dokternan, pero pa loke ta trata loke publico por spera concretamente, no ta estableci.

Den e caso aki Pueblo ta haya su mes obliga di bay cera un asegurado di cual e no sa cuanto e gasto ta bira ni loke e por spera. Pueblo sa cu ta trata di un asegurado obligatorio den cual pues no por dicidi cu e ta mucho caro of e no ta cumbini y keda afor. Tur hende mester participa.